

網媒爆屠龍混賬被篤灰報復

「一肥一瘦」私袋「旅費」「國難五金」證有前科




「不分化、不篤灰、不割席」，你唔係信呀嘛？曾參選立法會飲食界、綽號「爆Seed」嘅網媒「PPPN international」創辦人伍永德月初俾警方國安處人員拘捕，疑與「屠龍小隊」案件有關。經常以「快閃」形式向暴徒供應裝備嘅「國難五金」前日突然喺facebook大爆，原來「PPPN」今次被拉，係「手足」篤灰所致。佢話，有着咗草去台灣嘅「屠龍小隊」成員因私吞眾籌，俾「PPPN」踢爆，故以篤灰報復喎。

■香港文匯報記者 黃書蘭

▼「國難五金」製造說明「一肥一瘦」與周世倫的關係。fb截圖

►「PPPN」公布其中一名創辦人被捕的消息。fb截圖



「國難五金」發長帖講，有兩個自稱係「屠龍小隊」嘅「一肥一瘦」，於今年年初代表10個「手足」經中間人向「家長」籌錢「去旅行（着草）」，其後雖籌到20萬元，但「一肥一瘦」卻有話畀同行「手足」聽籌到錢，令班「手足」自費去到台灣後，就向網媒「PPPN」篤灰，爆晒佢砲咁衰嘢。

「一肥一瘦」累隊友自費着草

「PPPN」同民主黨九龍城區議員黃國桐查證後，隨後喺「PPPN」公司專頁公開事件，搞到「一肥一瘦」要歸還6萬元畀「旅行者」，「一肥一瘦」當時就以公開「PPPN」記者身份報復，仲威脅話要公開埋其他「PPPN」成員身份。

「國難五金」又爆，支持香港黑暴嘅「台獨」導演周世倫早前為借「手足」個名籌錢，夾埋「一肥一瘦」搵咗另外兩名「手足」搞facebook專頁，點知「一肥一瘦」又因為怕籌款會落唔到自己袋，就宣傳片問題同「手足」鬧翻，更拳打兩名「手足」，令計劃不歡而散。

周世倫威脅全台封殺逼噤聲

事後，周世倫同「一肥一瘦」以「全台灣封殺」及公開所有個人資料來威脅對方唔好提告。佢話，「一肥一瘦」早前亦有舉報，並成功令最少一條FA（急救）隊全部被捕。日前，周世倫同「一肥一瘦」更私下通風報信，令「PPPN」在港成員被捕噃。真係你篤佢灰時，佢都可以篤返你灰。

有利益衝突就拳頭相向，着草籌款就食夾棍，俾同路人踢爆就篤灰報復，仲唔知有冇收線人費噃。所謂嘅「義士」，睇怕係見利忘義個義噃。

東邪褒三七 河童寸腦殘



現居德國、自比小說角色「東邪」嘅攬炒派「時評人」黃世澤，日前評論前「香港眾志」創黨主席羅三七（羅冠聰）受英美重視係因為佢「打機好叻」，日後可以「界

佢指揮無人戰鬥機」，言論膠到前「香港眾志」秘書長黃之鋒都開post質疑，甚至暗示「黃絲」檢視「同路人」係咪腦殘。俾人寸到盡嘅黃世澤日前就鬧返黃之鋒對無人機非常無知，再鬧埋佢公報私仇、過橋抽板、濫權、眷戀「光環」，同有做「獨裁者」質實，真係派到一街花生。

事源黃世澤日前喺YouTube頻道向「黃絲」解釋英美「選中」羅冠聰主要原因係睇中佢係「打機好叻」嘅電競評述員，日後美國就可以搵羅冠聰做「無人戰鬥機指揮官」嘞。

呢番言論睇到全世界都得咁笑，黃之鋒都抽水喉fb度攻擊黃世澤嘅智商，反問佢自己咁鍾意砌高達，「係咪遲下（吓）日本仔又會研發部高達比（界）我揸？」佢仲暗示「黃絲」檢視「同路人」係咪腦殘。

黃世澤反拖批眷戀「光環」

不過，喺YouTube有過8萬訂閱者嘅黃世澤當然唔肯認低威，於是又喺YouTube出片，用咗廿幾分鐘反擊黃之鋒，實行全方位無死角揭露黃之鋒嘅衰喇，由無人機講到濫權同眷戀「光環」，真係好刺激。

黃世澤首先對黃之鋒剪佢條片放上fb非常不滿，表明會追究版權，其後就開始入正題，話黃之鋒對無人機「非常無知」、「完全唔明白無人機嘅運作」，話美軍係電競範疇搵無人機控制員，而羅冠聰以前係電競評述員，如果佢手腳協調、頂得順軍人訓練，無人可以話佢無潛質做無人機指揮官。

囉。

講到潛質，黃世澤又踩低黃之鋒，話佢唔係適合從政嘅人，認為佢彈起只係時勢選擇咁，仲寸黃之鋒有做「獨裁者」嘅潛質，因為佢公報私仇、斷章取義、無知、無持續進修、恐懼噏「運動」中無咁領導地位、過橋抽板、濫權、眷戀「光環」噃，仲叫黃之鋒如果要搵返政治地位，「你唔係好似喺家咁做隻狗咁周圍咬人嚟！」再將成件事定性為私怨。

黃世澤講吓仲代表埋香港人話：「其實黃之鋒大可以對呢件事可以唔回應，但點解噏家回應，就係因為佢對失去權力嘅恐懼！呢個係黃之鋒嘅政治錯誤……如果黃之鋒繼續係咁樣，香港人係會重新consider（考慮）究竟你係咪適合做一個政治領袖。」

「一巴星Lucky」就認為兩個都幫唔落：「世×出fake news（假新聞），之鋒就成日人地（噃）做完野（噃）就拎『光環』，兩件都係垃圾。」

「RL2513」譏雙方都搞緊分化：「根據『×黃世澤嘅都係熱狗』論，即係黃之鋒都係熱狗！你熱狗！你分化！」 ■香港文匯報記者 郭家好

龍粉狂踩「大渣哥」劣食呃「黃絲」



如果「黃色經濟圈」咁好搵，「黃店」又使乜成日爭個你死我活吖。以「人血龍門（龍門冰室）」支持者為主嘅facebook專頁「渣家軍人西炒車事件簿」近日又搜集咗一堆不滿「大渣哥茶記」食物質素嘅評論，仲為大家搞咗個「大渣狗美食展」，包括生嘅「刺身豬扒」、乾柴雞扒、招牌廚餘炒飯、黑牛米粉大炒麵、冰鎮腸仔炒蛋及鬆肉粉焦屍豬扒。不過，你咁樣係唔會令「黃絲」驚喫，因為佢係食「信念」喉噃。

「渣家軍人西炒車事件簿」成員「Yan Wong」日前以「大渣狗美食展」為題發帖，話要為大家展示乜嘢刺身豬扒、乾柴雞扒、招牌廚餘炒飯、黑牛米粉大炒麵、冰鎮腸仔炒蛋及鬆肉粉焦屍豬扒。

豬扒紅到似刺身

原來上面都係佢返嚟嘅食評，仲要好多都係負評，不過睇圖又真係幾核突咗，例如刺身豬扒生到仲見到紅色嘅肉，搞到好似刺身咁，唔怪得「黃絲」話「豬肉煮成medium rare（三成熟）唔多衛（衛）生喎」。另外又有人貼出煮壞咗嘅豬扒，形容係「受生化武器摧毀過嘅豬屍」噃。

除咗扒外，食評又指腸仔同炒蛋都係凍冰冰嘅，


「對於一份早餐唔夠熱來講真係大打折扣」，加上黑牛米粉無啦啦可以拼大光麵，都唔知想點。

至於賣73蚊唔包飲品嘅「大渣哥炒飯」，收費喺「黃店」快餐中都算進取，但個食評都係狂踩，話「炒飯一看就知不是熟辣出品，只有餘溫，毫無光澤，似冷飯多過炒飯……份（分）量也不多，男生未必夠飽。但品質實在難以入口，還是吃剩了。」食評都忍唔住話：「已（以）店名『大渣哥』命名，實在有點自拆招牌。」

渣家軍還拖忠告

網民見到呢個「大渣狗美食展」都紛紛表示食唔落，睇到都反胃，叫「渣家軍」信徒自己食返佢噃個「信念」。「Ben Chow」譏：「食就食啦×你，班信徒都未×。」「Will Chan」就話：「個炒飯笑×左（咁），細×到咁收你73蚊，咁既（嘅）價錢我去大家樂都買到兩個飯，呢d（啲）唔係叫人血饅頭叫咩？」「CC Man」直言呢啲「信念」唔係一般人食嘅，「以佢嘅價錢，食物質素要高於一般茶餐廳水平才成正比，但宜（噃）家真係……都係留返俾（界）佢嘅信徒食喇。」

唔知龍粉咁搞法，渣家軍會唔會又整返個「龍門劣食展」呢？ ■香港文匯報記者 郭家好



■「渣家軍人西炒車事件簿」圖文並茂狂踩「大渣哥茶記」的食物質素。 ■香港文匯報記者 郭家好



■許智峯昨日仍稱「未決定」會否避席。圖為他前年在黨友庇護下，就事件公開道歉認袁。
資料圖片

許智峯受查拒避席 麥美娟恐開壞先例

香港文匯報訊（記者 黃書蘭）民主黨立法會議員許智峯前年因強搶女EO（行政主任）手機一事，引起社會各界強烈譴責，隨着3名攬炒派立法會議員不再延任，有關譴責案在議會或夠票通過，意味可褫奪其議員資格，前提是許智峯肯按慣例避席，惟許智峯昨日竟稱「未決定」。有關事件的調查委員會主席、工聯會立法會議員麥美娟表示，若許智峯在表決時不避席，會造成利益衝突及開壞先例，促請立法會盡快交代有關避席規定。

被動議譴責者慣例避嫌

根據立法會多年慣例，被動議譴責的議員會離席避嫌。隨着本立法會年度攬炒派陣營減員3人，立法會內建制派及非建制派兩大陣營的人數差距擴大，分別佔41席及21席。若在譴責許智峯的議案表決時，許智峯依慣例避席，立法會主席亦投票贊成譴責，建制派則足夠三分二票數通過譴責，褫奪許智峯議員資格。

許智峯稱，未決定屆時會否避席，又謂他若被取消資格，將影響其他「非建制派」議員的議席及整體形勢云云。

表決不避席存利益衝突

麥美娟表示，若許智峯在表決時不避席，會造成利益衝突及開壞先例，促請立法會盡快交代有關避席規定。上年度立法會議事規則委員會主席謝偉俊則表示，《議事規則》無規定避席安排，並認為只要調查報告提交立法會討論，亦達到一定效果。



■「著火筒」整理出騙徒江遠翔網上行騙的大集錦。fb截圖



■「著火筒」成日唔係忙住內訌，就係忙住曝光「同路騙徒」，鬼叫「黃絲」真係多醜聞咩。有facebook專頁目前整理出有人扮「手足」喺網上行騙嘅大集錦，披露出個「假手足」曾多次借黑暴假扮記者噃呢噃，俾人踢爆又捲土重來，仲要以支持「抗爭」組織為名，引誘「黃絲」落嚟，不斷課金。人傻錢多嘅「黃絲」當然支持啦，不過喺「被支持組織」就話冇收到錢噃。

屢偷戰地記者相吸粉絲

fb專頁「YSB 惡室寶」（Fire Extinguishment著火筒）就稱「披露騙徒江遠翔行騙罪狀，希望同路人不要受騙，……不要令抗爭路上再有這種絆腳石。」個專頁日前發表一條「核爆！詐騙人血假記者！踢爆老千至尊寶大整合！」影片，內容披露騙徒江遠翔行騙罪狀，多不勝數。

原來江遠翔曾聲稱係記者，喺2019年9月初開設「神秘女孩」專頁，盜取多名戰地攝影師相片吸引粉絲，後來俾「連登」同「攝影札記」踢爆後，就不停刪post及關閉專頁。為留住粉絲而喺10月初開fb群組，同期專頁改名為「神秘會612-End」，然後又開咗個叫「VICVIC」嘅賬號扮女人，繼續偷相。

除咗偷相，佢仲喺課金。 「著火筒」話江遠翔開TG群組、搞活動，聲稱籌募課金作為保釋費、FA（急救）支援及日常開支用，又用債主嘅戶口嚟收課金，聲稱係前線記者支援戶口。不過，FA（急救員）已澄清從冇收過課金，而呢個人亦都有出動保釋「手足」，連被捕者嘅相都係VIC TG度擋。

「著火筒」又指，江遠翔喺今年1月謊稱所扮演嘅「VIC」個爸爸心臟病住院，需要用到錢多達十多萬元，私下PM人幫手籌款，部分仲籌款到幾萬蚊，但呢個手術彷彿做到2047年咁，病人間蒸發無影蹤，亦曾有人問江遠翔要醫院收據，但佢都逃避冇回應。

被揭惡行即改名刪罪證

後來又有人質疑江遠翔借錢嘅原因，佢竟然將人擺上網公審。當有人爆佢時，佢就開始封鎖人滅聲，刪晒所有罪證群組再改名「至尊寶」，最終所有同併合作過嘅人都同併割席。

面對江遠翔嘅課金一事，網民都好激氣。「Arran Siu」質疑：「做做下（吓）改名的確好可疑，直播又冇乜料到。」「Ma Mami」就話：「老千簡又想抽水呢課金，『黃絲手足』見到實好瞓！」「Ka Chun Ma」斥：「串（寸）完人課金，自己又收課金啦。」 ■香港文匯報記者 郭家好